

Wasser gewisser / vnd gutes geschmacks / die Quel-
 le aus dem Kattenstein entspringend seind starck
 vnd gut / wo ferne solche nicht durch neben Aldern
 verfließen / aber die Brunnen Quelle vnten am
 Berge aus dem Felssien vnd Kitzling seind Was-
 serreicher / kühler vnd gesünder.

Die Feldbrunnen quellen aber sind gesalzener
 schwerer / warm vnd ungeschmack. Es were dann
 das eine Alder von einem Berge gienge / vnd an der
 ebene auffbreche / vnd das Brünlein mit Bäumen
 beschadiget were / so giebet's einen guten geschmack.

Vnd ob ich wol viel Exempla wie die alten wei-
 sen der Natur nach getrachtet / allegiren köndte / wie
 man an orten vnd enden / da nicht fließende Brun-
 nen seind / gut gesund vnd wol geschmack Wasser
 suchen solt / ja wie solche Aldern vnd Quelen zufin-